



Broj:01-45-1094-13/25
Mostar, 26.03.2026. godine

Na osnovu člana 70. stav (1) Zakona o javnim nabavkama („Sl. glasnik BiH“, br. 39/14, 59/22 i 50/24), člana 55. Zakona o organizaciji uprave u Hercegovačko-neretvanskom kantonu („Službene novine HNK“, broj: 9/09), Pravilnika o javnim nabavkama Ministarstva trgovine, turizma i zaštite okoliša HNK, broj: 01-45-564/24 od 22.07.2024. godine, ministar Ministarstva trgovine, turizma i zaštite okoliša HNK donosi:

O D L U K U

o izboru najpovoljnijeg dobavljača za postupak javne nabavke
"Strategija razvoja turizma HNK 2026-2034"

I

Ovom Odlukom, prihvata se prijedlog Komisije za provođenje postupka javne nabavke **"Strategija razvoja turizma HNK 2026-2034"** i bira se prvorangirani ponuđač **ENOVA d.o.o. Sarajevo** sa konačnom cijenom ponude od **49.850,00 KM** bez PDV-a i rokom izvršenja od 150 dana.

II

Postupak nabavke proveden je putem otvorenog postupka. Obavještenje o nabavci objavljeno je na portalu javnih nabavki pod brojem: 428-1-2-1-3-1/26 od 19.01.2026. godine i Službenom glasniku BiH broj 07/26 od 30.01.2026. godine.

III

Ova Odluka objavljuje se na web stranici ugovornog organa istovremeno sa upućivanjem iste ponuđačima koji su učestvovali u postupku javne nabavke.

IV

Obavještenje o dodjeli ugovora i Izvještaj o provedenom postupku nabavke biti će dostavljen Agenciji za javne nabavke Bosne i Hercegovine u skladu sa članom 74. i 75. Zakona o javnim nabavkama („Službeni glasnik BiH“, br. 39/14, 59/22 i 50/24).

V

Ova odluka stupa na snagu danom donošenja.

Obrazloženje

Postupak javne nabavke proveden je putem otvorenog postupka. Ukupna procijenjena vrijednost nabavke iznosila je 59.829,06 KM. Oznaka i naziv iz JRJN: 98300000-6 Razne usluge. U predviđenom roku za prijem ponuda 11.02.2026. godine do 11:00 sati na protokol Ugovornog organa zaprimljene su 3 (tri) ponude ponuđača NLOGIC d.o.o. Sarajevo, ENOVA d.o.o. Sarajevo i ECOPLAN d.o.o. Mostar. U skladu sa Tenderskom dokumentacijom i Obavještenjem o nabavci dana 11.02.2026. godine sa početkom u 11:15 sati održano je javno otvaranje ponuda. Po

završetku javnog otvaranja, zapisnik sa otvaranja ponuda je poslan ponuđačima. Komisija je u punom sastavu na zatvorenom sastanku započela sa pregledom i ocjenom ponuda.

Pregledom dostavljenih ponuda Komisija za nabavku utvrdila je da su ponude ponuđača dostavljene na propisan način, da su oмотnice sa ponudom ispravno zatvorene i da su ponude uvezane i numerisane u skladu sa zahtjevima iz Tenderske dokumentacije.

Uporedbom cijena ponude Komisija je konstatovala da je cijena ponude ponuđača NLOGIC d.o.o. Sarajevo u iznosu od 29.975,00 KM bez PDV-a za više od 20% niža od cijene drugorangirane prihvatljive ponude ponuđača ENOVA d.o.o. Sarajevo, a koji je ponudio cijenu od 49.850,00 KM. Zbog toga je Komisija jednoglasno odlučila da od ponuđača NLOGIC d.o.o. Sarajevo zatraži pismeno pojašnjenje cijene ponude, u skladu sa članom 66. Zakona o javnim nabavkama („Službeni glasnik BiH“, br. 39/14, 59/22 i 50/24) i članom 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15). Navedeni ponuđač dostavio je u Ugovorni organ u traženom roku pismeno pojašnjenje cijene ponude. Nakon detaljnog pregleda dostavljenog pojašnjenja, Komisija je jednoglasno konstatovala da se obrazloženje neprirodno niske ponude može prihvatiti.

Nadalje je Komisija izvršila pregled, analizu i ocjenu traženih i dostavljenih dokumenata u skladu sa traženim u Tenderskoj dokumentaciji, te je utvrdila da :

Ponuda ponuđača NLOGIC d.o.o. Sarajevo nije kompletna jer u istoj nisu dostavljeni svi traženi dokazi propisani Tenderskom dokumentacijom, na propisan način. Naime tačkom 8. TEHNIČKA I PROFESIONALNA SPOSOBNOST (član 48. i 50 Zakona) Tenderske dokumentacije propisano je da po pitanju tehničke i profesionalne sposobnosti, ponuđači trebaju ispuniti sljedeće minimalne uslove:

a) Uspješno iskustvo u realizaciji jednog ili više ugovora ukupne vrijednosti minimalno 50.000,00 KM bez PDV-a, koji za predmet imaju izradu istog ili sličnog dokumenta, u prethodne tri godine ili od datuma registracije odnosno početka poslovanja, ako je ponuđač registrovan odnosno počeo sa radom prije manje od tri godine, računajući od isteka roka za podnošenje ponuda.

Ponuđač NLOGIC d.o.o. Sarajevo dostavio je u svojoj ponudi Obrazac izvršenih ugovora (stranice 38-40 ponude), sa odgovarajućom referenc listom (stranice 41-48 ponude). Detaljnim pregledom referenc liste Komisija je prihvatila sve ugovore koji po svom sadržaju, metodologiji i ciljevima imaju doticaj sa turizmom ili izradom strategija povezanih sa turizmom. Radi se o samo tri ugovora iz referenc liste koji imaju za predmet izradu istog ili sličnog dokumenta, odnosno ugovori broj 1. Turistički akcioni plan Općine Vogošća u iznosu od 7.500,00 KM, 2. Izrada plana upravljanja zaštićenim područjem spomenik prirode Tajan u iznosu od 7.170,00 KM i broj 12. Bavaria Trip Bayern International – projekat „Digitalni turizam“ bavarskog ministarstva za privredu, razvoj i energiju u iznosu od 7.916,13 KM, što sumarno predstavljaju iznos od 22.586,13 KM. S obzirom na to da ukupna vrijednost ugovora koji za predmet imaju izradu istog ili sličnog dokumenta iznosi 22.586,13 KM, što je ispod propisanog praga od minimalno 50.000,00 KM, Komisija je jednoglasno donijela zaključak da ponuđač NLOGIC d.o.o. Sarajevo nije dokazao ispunjenost minimalnog uslova tehničke i profesionalne sposobnosti propisanog članom 48. i 50. ZJN. Shodno navedenom, ponuda ponuđača NLOGIC d.o.o. Sarajevo se odbacuje kao neprihvatljiva u skladu sa članom 68. stav (4) tačka i) Zakona o javnim nabavkama, jer ponuđač nije ispunio zahtjeve utvrđene u tenderskoj dokumentaciji.

U Zapisniku o pregledu i ocjeni ponuda Komisija je detaljno navela analizu referenc liste ponuđača (stranice 41-48) za koje je utvrdila da ne predstavlja strateški dokument i da nemaju

doticaj sa turizmom jer je Komisija utvrdila da se radi o dokumentima tipa (akcioni planovi, prelazni planovi, izvještaji o stanju, studije izvodljivosti, tehnička pomoć i sl), koji su po svojoj prirodi isključivo (analitički/operativni) i ne sadrže elemente strateškog planiranja, definisanja dugoročnih politika razvoja niti kompleksnu analizu strateškog okvira kakva se traži predmetnom nabavkom, te se ne mogu smatrati „istim ili sličnim dokumentom“ u smislu zahtjeva iz TD, jer je Strategija kompleksan dokument koji objedinjuje analizu stanja, strateške okvire i politike razvoja, te se ne može izjednačiti sa pojedinačnim analizama (studijama) ili izvještajima.

Komisija je utvrdila da je ponuda ponuđača ENOVA d.o.o. Sarajevo kompletna i da su u istoj dostavljeni svi traženi dokazi propisani Tenderskom dokumentacijom. Ukupna cijena ponude iznosi 49.850,00 KM bez PDV-a.

Komisija je utvrdila da je ponuda ponuđača ECOPLAN d.o.o. Mostar kompletna i da su u istoj dostavljeni svi traženi dokazi propisani Tenderskom dokumentacijom. Ukupna cijena ponude iznosi 58.500,00 KM bez PDV-a.

Komisija je pristupila bodovanju u skladu sa Tenderskom dokumentacijom na osnovu kriterija: Ekonomski najpovoljnija ponuda (najveći zbir bodova), u skladu sa niže navedenim kriterijima za bodovanje:

- a) Cijena – čija vrijednost iznosi maksimalno 70 bodova
- b) Rok izvršenja – čija vrijednost iznosi maksimalno 30 bodova

Kako su oba ponuđača u svojim ponudama upisali rok od 150 dana oba ponuđača za kriterij rok izvršenja dobivaju maksimalan broj bodova, odnosno 30 bodova.

U skladu sa izvršenim bodovanjem, Komisija je izvršila rangiranje ponuđača kako slijedi:

1. ENOVA d.o.o. Sarajevo sa ukupno ostvarenih $B=70+30=100$ bodova
2. ECOPLAN d.o.o. Mostar sa ukupno ostvarenih bodova $B=59,65+30=89,65$ bodova

U skladu sa kriterijem ekonomski najpovoljnija ponuda (najveći zbir bodova) Komisija je jednoglasno predložila da se za izradu Strategije razvoja turizma HNK 2026-2034, dodjeli ugovor prvorangiranom ponuđaču ENOVA d.o.o. Sarajevo sa konačnom cijenom ponude od 49.850,00 KM bez PDV-a i rokom izvršenja od 150 dana.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javnu nabavku pravilno i potpuno dala ocjenu prispjelih ponuda, kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine putem Ugovornog organa najkasnije u roku od 10 (deset) dana od dana prijema ove Odluke, u pisanoj formi u tri primjerka.

Dostaviti:

- *web stranica,*
- *a/a*

